

ՄԵԾ ԳԱՂԱՓԱՐՆԵՐԻ ԵՐԳԻԶԸ

(Վ. Վ. Մայակովսկու ծննդյան 70-ամյակի առթիվ)

Պ. Տ. ՍԱՀԱԿՅԱՆ

Սովետական մեծ բանաստեղծ Վլադիմիր Մայակովսկու ստեղծագործությունները առանձնահատուկ տեղ ունի սոցիալիստական ռեալիզմի գրականության մեջ: Հոկտեմբերյան հեղափոխության համաշխարհային թափն ու նշանակություններ, նոր հասարակարգ կառուցողի եռանդն ու հոգեբանությունը, հավատն ու վստահությունը կոմունիստական գալիքի նկատմամբ, — այս ամենի գեղարվեստական ինքնատիպ արտացոլումն ապահովեցին այդ ստեղծագործության համաշխարհային նշանակությունն ու անթառամ կյանքը: Հիրավի, ինչքան հեռանում ենք Մայակովսկուց, այնքան նրա պոեզիան ժամանակակից ու թարմ է թվում, նորովի է հնչում և նոր կողմերով է մասնակցում մեր կյանքին ու պայքարին: Գաղտնիքն այն է, որ Մայակովսկու պոեզիայի քնարական հերոսը միշտ իրեն զգում է ժողովրդի հետ, կոմունիզմ կառուցողների շարքում:

Ես նրան հետ եմ,
Որ կառուցելու գործն եկան.
Համատարած տենդում
առօրյայի:
Փառարանում եմ
հայրենիքս,
որ հիմա կա,
բայց երիցս,
որը պիտ լինի:

Մայակովսկու կյանքի պատմությունը հանրահայտ է: Հանրահայտ են նաև այն ազդակները, որոնք նրան մղեցին դեպի հեղափոխական պոեզիայի ուղին: Մայակովսկին դեռ գրական ասպարեզ ոտք չէր դրել, երբ պայթեց 1905 թ. հեղափոխությունը: 1908—1909 թթ. Մոսկվայում կատարած հեղափոխական աշխատանքը, հանդիպումները բոլշևիկներ Կարախանովի (Վանես), Վեգերի (Պոլոժեց) և ուրիշների հետ, պրոպագանդիստական աշխատանքն ու բանտարկությունները քաղաքականապես կոփում են «ընկեր Կոստանդինին» (Մայակովսկուն), արթնացնում նրա նիրհող ընդունակությունները: Ընդհատակյա աշխատանքում և պայքարում Մայակովսկին ձևեռ է բերում «ճիշտ վերաբերմունք աշխարհի հանդեպ», զգում «պաթոսը սոցիալիստի, որը գիտի հնի խորտակման անխուսափելիությունը»: Դա էլ դառնում է կայուն հիմք անկումային դրական հոսանքների հաղթահարման և պոետական ինքնուրույնության հաստատման համար:

Միջհոկտեմբերյան ստեղծագործության մեջ Մայակովսկին անցնում է բարդ և հակասական մի ուղի, սկսած ֆուտուրիստական ժողովածուներում

տպագրվելուց և ֆուտուրիզմի ստեղծագործական սկզբունքները տեսականորեն ընդունելուց (որոնք ըստ էության խորթ էին նրա պոեզիայի գաղափարական բովանդակությանը) մինչև սոցիալիստական ունակվածի հիմնադիր Մաքսիմ Գորկու հետ գրական բարեկամության հաստատումը:

Վաղ շրջանի ստեղծագործություններում Մայակովսկին Գորկու նման հեղափոխական բռնուտ է բարձրացնում բուրժուական հակամարդկային կարգերի դեմ, վալյութով մերժում է քաղաքականության բարոյական չափանիշներն ու կենցաղը: Շարունակելով Նեկրասովի երգածական արագիցիաները, «Ա՛յ ձեզ» ոտանավորում նա դառնություն է վրեժով է խոսում կյանքի տերերի մասին, որոնք լողում են բարեկեցության մեջ, որոնց խորթ են մարդկային քնքույշ զգացմունքները, պոեզիա հումանիտական տառապանքը՝ նրանք բոլորն էլ կրկնակոշիկներով և առանց կրկնակոշիկների, կեղտոտ թտներով կոխտոտում են երգչի «սրտի թիթեռնիկին» և հանում նրան համբերությունից: 1913 թ. գրված «Վլադիմիր Մայակովսկի» ողբերգությունում բացահայտվում է մարդու դիմազրկման և աղճատման սոսկալի պատկերը: Պոետի մոտ գալիս են կապիտալիստական հասարակարգի կողմից խեղված, խեղանդամված մարդիկ, բերելով նրան իրենց տառապանքի արցունքները: Բուրժուական քաղաքում Մայակովսկին հայտնագործում է ահռելի մի վիշտ և հարյուրավոր մանր վշտեր:

Առաջին համաշխարհային պատերազմի շրջանում լայնորեն տարածված շովինիզմին և միլիտարիզմին Մայակովսկին հակադրում է հումանիզմը և պատերազմի դատապարտումը: 1914—1917 թթ. նա ստեղծում է հակապատերազմական ցիկլի իր բանաստեղծություններն ու պոեմները («Մայրիկը և դերմանացիների կողմից սպանված երեկոն», «Պատերազմը հայտարարված է», «Ձեզ») և նշանավոր «Հիմն»-երը, որոնցում մերկացնում է պատերազմի հանցագործներին և իշխող վերնախավին: «Պատերազմը և աշխարհը» պոեմում Մայակովսկին ստեղծում է իմպերիալիստական պատերազմի ցնցող պատկերը, բոլոր գույները վերցնելով իրական կյանքից: Պատերազմի դաշտը նա նմանեցնում է մի սպանդանոցի: Հարավից Պոլիսն է «մորթվածներին փսխում ղեպի Բոսֆոր» իսկ սանիտարական գնացքի վագոնում քառասուն վերավոր ունեն ընդամենը չորս ոտք: Պատերազմի արյունոտ բազմաթիվ տեսքը ստիպում է վերաբույժներին հերձել սպանված մի զինվորի, պատերազմի պատճառն ըմբռնելու համար, և նրանք տեսնում են զինվորի հոգում մխրձված ոսկեթափ միկրոթը՝ ուրլին:

1915 թ. Մայակովսկին գրում է իր ծրագրային պոեմը՝ «Վարտիքավոր ամպը», որն ամբողջովին համակված է «մոտալուտ հեղափոխության գիտակցությամբ»: Հեղափոխական թեմատիկան ալյուրի արտահայտվում է ոչ միայն պոետի և բուրժուական իրականության հակադրության միջոցով, այլև այդ հակադրության հեղափոխական լուծմամբ: Մայակովսկին այս պոեմում հանդես է գալիս որպես հեղափոխության մոնետիկ և ոլջունի խոսքերով է դիմավորում նրա գալստյան ժամանակը:

Ես,

ծաղրվածքս այսօրվա ցեղից անհոգի.

որպես մի երեւոյ

անպարկեշտ անեկոյոտ,

տեսնում եմ ժամանակի սարերովն եկողին,

որին չի տեսնում ոչ ոք:

Ուր մարդկանց հայացքն է հատվում պոչատ,

սոված ամբոխների գլուխների վրան՝
 ունդուցիաների պրսակով փըշապատ
 տասներկեց թվականն է գալիս հուրհրան:

Թեև Մայակովսկին իր պոեմում չի պատկերում, թե ինչպիսի՛ն պիտի լինի
 այդ հեղափոխությունը, ի՛նչ ուղիներով պետք է կենսագործվի այն և ի՛նչ հար-
 ցեր պետք է լուծի, այնուամենայնիվ, նա հեղափոխության մեջ է տեսնում
 ելքը դառն, ողբերգական կյանքից և պատրաստակամություն է հայտնում իրեն
 ամբողջովին անվիրարերելու նրա իրականացմանը:

Եվ երբ՝
 գալուստը նրա,
 ազդարարեք խոսվածքամբ:
 Դեմ ելնեք փրկչին, ճշա՛ք—
 ևս ձե՛զ—
 կրպոկեմ հոգիս,
 կբռնահարեմ,
 որ լինի մե՛ծ—
 և կտամ՝ արյունոտված՝
 որպես դրոշակ:

Պոետի հումանիստական այս կերպարը, որն արյունոտված հոգին դրո-
 շակ է դարձնում մարդկանց փրկելու համար, արձագանքում է Գորկու հերոս
 Դանկոյի կերպարին, որն իր սիրտը որպես ջահ բարձրացնում է վեր՝ մարդ-
 կանց կործանումից փրկելու համար: Միանգամայն բնական էր Գորկու հու-
 ցումը, երբ նա լսեց «Վարտիքավոր ամպը» Մայակովսկու ընթերցմամբ, 1915
 թ. Մուստամյակիում: Գորկին հանգում է այն եզրակացության, որ «Մայակով-
 սկին որոնում է միաձուլում ժողովրդական մասսաների հետ և իր «ես»-ը ըմ-
 բռնում է սոսկ որպես մասսաների միմվու, որին մինչև հատակը բարձրաց-
 րել ու ալեկոծել է պատերազմը»¹: Անջատելով Մայակովսկուն ֆուտուրիստնե-
 րից, Գորկին նրան համարում է տաղանդավորագույն, խոշորագույն պոետ,
 խոսում է նրա վիթխարի թափի մասին:

Մայակովսկու նախահեղափոխական մյուս պոեմները՝ «Ողնաշարի սրբն-
 գափողը» (1915), «Մարդ» (1917), կարծես կրկնում են «Վարտիքավոր ամպ»-ի
 առանձին մոտիվները և բացահայտում հումանիստ պոետի և բուրժուական
 իրականության միջև գոյություն ունեցող հակադրության խորությունը: «Ող-
 նաշարի սրնգափողը» պոեմում բանաստեղծը շարունակում է «Վարտիքավոր
 ամպ»-ի առաջին մասում արտահայտած սիրո ողբերգականության թեման:
 «Մարդ» պոեմը, որ հեղինակն ավարտեց ցարական ինքնակալության տապալ-
 ման նախօրյակին, ինքնատիպ ձևով շարունակում է Գորկու համանուն երկի
 թեմատիկ-գաղափարական տրագիդիան: Դեռևս դարասկզբին Գորկին մտահոգ-
 ցել էր «Մարդ» արձակ պոեմը, որը պետք է բաղկացած լիներ երկու մասից.
 առաջինում պետք է փառարանվեր աշխատող և ստեղծագործող մարդը, իսկ
 երկրորդում պատկերվելու էր կյանքի տերը՝ քաղքենին, որը գողունի հետևում
 է մարդուն և յուրացնում նրա աշխատանքի պտուղները. «Եվ եթե Մարդը եր-
 կընքից առևանգում է կրակը, Քաղքենին այդ կրակով լուսավորում է իր ննջա-
 րանը և օգտագործում այն իբրև երթևեկության միջոց, չհրաժարվելով միա-

¹ «Звезда», 1944, № 4, էջ 85:

ժամանակ դեպի իր բարեկեցությունը շարժվելու հին և հարմար միջոցից՝ մերձավորի պարանոցին հեծած ձանապարհելուց»²։ Գորկին կարողացավ իրագործել իր մտահղացման միայն առաջին մասը, որը լույս տեսավ 1904 թ.։ Ի դեպ, այն անմիջապես թարգմանվեց հայերեն ու տպագրվեց «Մշակ» պարբերականում։ Մարդու կերպարը Գորկու պոեմում ողբերգականորեն գեղեցիկ էր։ Զինված լինելով միայն բանականությամբ, ամենազոր մտքով, նա պայքարի էր ելնում կյանքի անարդար կառուցվածքի դեմ։

Շարունակելով բուրժուական կարգերի մերկացման գործիական գիծը, Մայակովսկին աշխատանքի մարդուն պատկերում է որպես արևի, լույսի մունետիկ։ Նրա հակառակորդը այստեղ ևս քաղթենին է, «Ճաղատը»։ Փողի ուժով այլասերելով ամեն ինչ, նա անայլալ նստած է ծաղկազարդ գորգին նուրբ գույպաներ և պճնամուրի անզրավարտիք հագած, թեև նրա շուրջն ամեն ինչ կործանվում է։

Առաջին ուսական հեղափոխության նախօրյակին բարձրացնելով մարդու թևեր, Գորկին շեշտը դնում էր նրա մտքի տիտանական ուժի վրա, որը կաշկանդված էր բուրժուական հասարակարգի պայմաններում։ Հանդես գալով Հոկտեմբերյան հեղափոխության նախօրյակին, Մայակովսկին շեշտը դնում էր այդ մարդու սրտի, զգացմունքների վրա, մատնանշելով նրա լլկված, ոտնահարված պատկերը բուրժուական իրականության մեջ։ Երկու դեպքում էլ մեծ գրողները դնում էին մարդու հեղափոխական ազատագրման հարցը։

Փետրվարյան հեղափոխության օրերին Մայակովսկին ավտոդպրոցի զինվորների հետ ակտիվ մասնակցություն է ունենում ցարիզմի տապալման իրադարձություններին։ Նա գրում է «Ռեուլյուցիա» պոետախորոնիկան, որտեղ ողջունում է բանվորական ջրհեղեղի առաջին օրը, հասկացնելով, որ դրան հաջորդելու է երկրորդը։ «Հեքիաթ Կարմիր զինարկի մասին», «Պատասխանատվության» բանաստեղծություններում Մայակովսկին մերկացնում է բուրժուազիային և դատապարտում ժամանակավոր կառավարության պատերազմի քաղաքականությունը։ Հոկտեմբերյան հեղափոխությունից մի ամիս առաջ նա գրում է հայտնի երկտողը՝

Еще ананасы,
рябчиков жуй!
День твой последний
приходит, буржуй!

որը հոկտեմբերյան օրերին նավաստիները երգում էին Չմեռային պալատը գրոհելիս։

Սոցիալիստական հեղափոխությունը Մայակովսկին որպես քաղաքացի և պոետ ընդունում է անառարկելիորեն և նրա պայծառ դրոշին հավատարիմ է մնում մինչև վերջ։ Մայակովսկու ինքնակենսագրության մեջ 1917 թ. «Հոկտեմբեր» վերնագրի տակ գրված է. «Ընդունել, թե չընդունել, Այսպիսի հարց ինձ համար գոյություն չունի։ Իմ ուղություն է։ Գնացի Սմոլնի։ Աշխատում էի։ Անում, ինչ որ լինում էր»³։ Մայակովսկին ամբողջովին նվիրվում է սոցիալիստական կուլտուրայի կառուցման աշխատանքին, մերթ կազմակերպելով

² М. Горький, Собрание сочинений в 30 томах, т. V, էջ 489։

³ Վ. Մայակովսկի, Ընտիր երկեր, հատ. 1, էջ 39։

զեղարվեստական հրատարակչություններ, եռուն աշխատանք ծավալելով կուս-
թողկոմատի կերպարվեստի բաժնում, մերթի զրելով կինոսցենարներ, խաղա-
լով ֆիլմերում, մերթ հանդես գալով իր բանաստեղծությունների հրապարա-
կային ընթերցումներով: Մայակովսկու բանաստեղծական խոսքը կարողանում
է հասնել հեղափոխության հաղթական վաղրի հետևից և վերաբարձրել նրա
բոլոր շրջադարձերն ու փուլերը: Քաղաքացիական կռիւների և օտարերկրյա
ինտերվենցիայի տարիներին, երբ երկրի բոլոր ուժերը նետված էին ռազմա-
ճակատ, Մայակովսկին գրում է Հոկտեմբերի հաղթական երթը զրվատող բա-
նաստեղծություններ՝ «Սեր քայլերգը», «Ձախ մարշ», «Յնցող փաստեր», «Ներ-
բող հեղափոխությանը», «Երրորդ ինտերնացիոնալ», «Ընկերական ողջույնով՝
Մայակովսկի» և այլն, մի շարք մեծ կտավի գործեր՝ «Միստերիա-Բուֆֆ»,
«150 000 000», բանաստեղծական մականորություններ ՌՈՍՏԱ-ի պատուհան-
ներում և տասնյակ այլ ստեղծագործություններ:

Հեղափոխական բովանդակությամբ և ձևի ներդաշնակության առաջին փայ-
լուն նմուշն իրավամբ համարվում է «Ձախ մարշ» հռչակավոր բանաստեղծու-
թյունը, որը թարգմանված է աշխարհի համարյա բոլոր լեզուներով: Այն իրոյ
հաղորդում է կազմակերպված կարմիր զորադնդերի, միլիոնավոր ռազմիկ-
ների դուռնապանական թափը, նրանց հաղթական քայլերի ու խիզախ ոտնաձայնը,
որից փլվում են հին աշխարհի կամուրջները:

Հոկտեմբերյան հեղափոխության առաջին տարեդարձի տոնակատարու-
թյան օրերին՝ 1918 թ. նոյեմբերի 7-ին, 8-ին և 9-ին մեծ հաջողությամբ բե-
մադրվեց «Միստերիա-Բուֆֆ» պիեսը, որը դարձավ սովետական դրամատուր-
գիայի առաջնեկը: Հեղափոխությունն այստեղ ներկայացված է ջրհեղեղի ծա-
վալուն այլաբանական պատկերով: Ինքնակալության և ժամանակավոր կառա-
վարության սկզբունքները մարմնավորված են յոթ զույգ «մաքուրների», իսկ
հեղափոխական ժողովուրդը՝ յոթ զույգ «անմաքուրների» կերպարներում: Այդ եր-
կու հակադիր սոցիալական ուժերի պայքարը կազմում է պիեսի կոնֆլիկտը,
իսկ ճանապարհորդությունը տապանով ղեպի Ավետյաց երկիրը այլաբանորեն
ներկայացնում է հեղափոխության անցած ուղին փետրվարյան օրերից մինչև
կոմունիզմի կառուցումը: Այսպահովությունը զեղարվեստականորեն կոնկրետ
մտասաներին մատչելի ձևով հաղորդում է երկի պատմական, քաղաքական
բարդ բովանդակությունը: Պոետը համարձակ կերպով հեղափոխության հերո-
սական, հանդիսավոր, միստերիալ պատկերումը զուգակցում է հնի կործան-
ման կոմիկական բուֆոնադայի հետ: Դրականորեն գնահատելով «Միստերիա-
Բուֆֆը», Լուսաշարսկին ասաց, որ դա «...հեղափոխական ջրհեղեղից հետո
աստիճանաբար իր պորտաբույծներից ազատագրվող բանվոր դասակարգի
ուրախ, սիմվոլիկ ճանապարհորդությունն է դրախտի և դժոխքի միջով ղեպի
Ավետյաց երկիրը, որը, ինչպես պարզվում է, մեր մեղապարտ երկիրն է, միայն
թե՝ լվացված հեղափոխական ջրհեղեղով, և որտեղ բոլոր «ընկեր իրերն» ան-
համբեր սպասում են իրենց եղբորը՝ աշխատավոր մարդուն: Նվ գրված է այդ
ամբողջը սուր, համեմված, հնչեղ լեզվով»⁴:

«Միստերիա-Բուֆֆ» պիեսը, ըստ Մայակովսկու, կարող է պահպանել
իր հրատապությունն ու թարմությունը, եթե յուրաքանչյուր ժամանակի ողուն
համապատասխան փոփոխություններ մտցվեն նրանում, հին թշնամիների

⁴ Բերված է ըստ Ա. Ֆեդրալսկու «Маяковский — драматург» գրքի, Մոսկվա, 1940, էջ 23:

փոխարեն ղրվեն նորերը: Այդպիսի փոփոխություններ կատարեց ինքը պիեսի երկրորդ խմբագրությունում՝ Կուպեցին փոխարինելով Սպեկուլյանտով, Հասաֆրանսիացուն՝ Կլեմանսով, Խալապի սպային՝ Լյուդ Զորջով, իսկ Ուսանողին՝ Դիպլոմատով: «Անմաքուրներ» մեջ նա ավելացրեց Կարմիր բանակայինին և Մեքենավարին: «Միստերիա-Բուֆֆը», — գրում է Մայակովսկին, — ճանապարհ է, հեղափոխության ճանապարհը: Ոչ ոք ճշգրտորեն չի կանխատեսի, թե ղեռես ինչ լեռներ է վիճակվելու պայթեցնել մեզ՝ այդ ճանապարհով քայլողներս: Այսօր ականջ է ծակում «Լյուդ-Զորջ» բառը, իսկ վաղը նրա անունը կմոռանան և իրենք՝ անգլիացիները: Այսօր ղեպի կոմունա է պոռթկում միլիոնների կամքը, իսկ կես հարյուրամյակ հետո, կարող է պատահել, հեռավոր մոլորակների վրա գրոհով կնետվեն կոմունայի օղային ղրեղնոտները: Այդ պատճառով, թողնելով ճանապարհը (ձեռ) ես կրկին փոխեցի բնականորեն մասերը (բովանդակությունը): Ապագայում բոլոր խաղացողներ, բեմադրողներ, բեմերցողներ, «Միստերիա-Բուֆֆը» տպագրողներ, փոխեցնեք բովանդակությունը, դարձրեք նրա բովանդակությունը այսօրվա, այս բուպի»⁵:

Հեղափոխության ապագա հաղթանակների պատկերը ղրեկորվում է ոչ միայն «Միստերիա-Բուֆֆ» պիեսում, այլև պեղարվածության այնպիսի մի մեծ կտավի գործում, ինչպիսին «150 000 000» պոեմն է: Այս երկի հիմքում ընկած է կապիտալիստական սիստեմի և հեղափոխական Ռուսաստանի համաշխարհային գոտեմարտը, որն ավարտվում է հեղափոխական ուժերի հաղթանակով: Սակայն այս պոեմում ղեռես իշխում էր կերպարների կերտման պլակատային մեթոդը, սխեմատիզմը: Միլիոնների պատկերման գեղարվեստական վարպետությունը Մայակովսկին ղեռ չէր հասել:

«150 000 000» պոեմը գրելիս Մայակովսկին եռանդոմ աշխատանք էր ծավալել ՌՌՍՖՍՀ-ում, 1919 թ. աշնանից սկսած ձեռնարկար տղականների, ծաղրանկարների և երգիծանքի միջոցով հարվածելով սպիտակ գվարդիականներին և օտարերկրյա խնտրվենտներին: Նկարիչ Չերյոմսիսի հետ միասին Մայակովսկու պատրաստած 900 պատուհաններում (որոնցից մեզ հասել է ավելիքան 500-ը) հրապարակվում են բազմապիսի չափածո գործեր՝ երգեր, կոչեր, քառյակներ, հեքիաթներ, հանելուկներ, լոգոնգներ, պարոդիաներ, որոնք տոգորված են հեղափոխական պայծառով: ՌՌՍՖՍՀ-ի պատուհաններում, Գլավպոլիտպրոսվետում հրապարակած բանաստեղծություններում, հոկտեմբերյան շաստուշկաներում և ումանսներում Մայակովսկին վարդացնում է Հոկտեմբերյան հեղափոխության թեման՝ կոնկրետ իրադրության պայմաններում:

Բայց ահա ավարտվում են քաղաքացիական կռիվները և օտարերկրյա խնտրվենցիան, աստղակիր կարմիր բովանդուրս է շարտում հակահեղափոխական ուժերին Ղրիմից, երկրում սկսվում է տնտեսության վերականգնումը, նոր տնտեսական քաղաքականությունը, և Մայակովսկին իր բանաստեղծական տաղանդը ծառայեցնում է նոր համաժողովրդական խնդիրների լուծմանը:

Մայակովսկին խաղաղ շինարարության առօրյա գործերում տեսնում է հեղափոխության շունչը, նրա խորացումն ու ծավալումը: Նոր տնտեսական քաղաքականությունը, պետական առևտրի ծավալման հարցը, քայքայված տնտեսության վերականգնումը նա համարում է պատասխանատու ուղի:

⁵ В. В. Маяковский, Полное собрание сочинений в 12 томах, М., 1939—1949, т. III, էջ 97:

ճակատ, լծվում է կոմունիստական պարտիայի մեծ նախագծումների իրականացմանը և չի խորշում ամենասև աշխատանքից, պարծանքով հայտարարելով:

Ես ջրկիր եմ
 ու աղբահան,
 Ռեուլյուցիայով
 կանչված ու կոչված...

Չկա որևիցև խոշոր քաղաքական պրոբլեմ և առաջին հայացքից մանր թվացող հարց, որ չզրափի նրա ուշադրությունը, նյութ չծառայի նրա ստեղծագործությանը: Մայակովսկին կյանքի ու կենցաղի խոշոր և մանր երևույթներին մոտենում է սոցիալիստական հեղափոխության և կոմունիզմի կառուցման շահանիշով, որի շնորհիվ նրան հաջողվում է հեղափոխական ուժանտիզմի կանխատեսման ուժով արտացոլել անդամ մեր ժամանակներին վերաբերող շատ ու շատ հարցեր: Ահա թե ինչու Մայակովսկի-պոետի համար վերավորական չէր սովետական առևտրական կազմակերպություններին օգնելը, Մոսսելպրոմի, Ռեզինոտրեստի համար ռեկլամային բանաստեղծական տողեր հորինելը, սանիտարական պլակատներ, անգրագիտության վերացման վերաբերյալ բանաստեղծություններ գրելը: Այս բնագավառում էլ դրսևորվում է նրա սրամտությունը, պոետական պատկերների և գործերի ինքնատիպությունը:

Քաղաքացիական կռիվների հաղթական ավարտումից հետո Մայակովսկու ստեղծագործությունն ընթանում է հիմնականում երեք պլանով սովետական հասարակարգի ներքին թշնամիների՝ քաղքենիության, բյուրոկրատիզմի, կարիերիզմի և այլ մնացուկների մերկացում. միջազգային իմպերիալիզմի դիմակադերծում. սովետական ժողովրդի հերոսական աշխատանքի ու նվաճումների փառաբանում:

Հին հասարակարգի տապալման և նոր հասարակարգ կառուցողի մասին Մարքսը գրել է. «...ինչպես այդ կոմունիստական գիտակցության մասսայական ծնունդի, նույնպես և բուն նպատակին հասնելու համար անհրաժեշտ է մարդկանց մասսայական վերափոխում, որը հնարավոր է միայն պրակտիկ շարժման, հեղափոխության մեջ. հետևաբար, հեղափոխությունն անհրաժեշտ է ոչ միայն նրա համար, որ ուրիշ ոչ մի միջոցով հնարավոր չէ իշխող դասակարգը տապալել, այլև նրա համար, որ տապալող դասակարգը միայն հեղափոխության մեջ կարող է ազատվել ամբողջ հին նողկանքից և ընդունակ դառնալ նոր հասարակարգ կառուցելու»⁶ (ընդգծումը Մարքսինն է—Պ. Ս.): Լինելով հեղափոխության խանդավառ մոնետիկ, Մայակովսկին շատ լավ էր տեսնում ոչ միայն «հին նողկանքի» քարացած դրսևորումները, այլև նրա ճրկում, կենսունակ ձևափոխությունները, կյանքի նոր պայմաններին հարմարվելու ճիգերը: Բուն հեղափոխության խնդիրը նա համարում էր ռեսպուբլիկան հին կեղտից մաքրելը, մաքրկանց հողերանության վերափոխումը:

1921 թ. լույս տեսավ Մայակովսկու «Անպետքության մասին» բանաստեղծությունը, որով բացվեց պոետի երգիծական ստեղծագործությունների ցիկլը: Այն պատկերում էր քաղքենի ամուսիններին, որոնք հեղափոխությունից հետո փոխել են փետուրները, «Իզվեստիա» են ստանում, պատից կախել են Մարքսի

⁶ К. Маркс и Ф. Энгельс, Сочинения, т. IV, М., 1938, էջ 60.

նկարը, ըստ էության հոգ տանելով միայն իրենց բարեկեցության և «շփացած դեղձանիկի» մասին.

Ռեուլյուցիան խճճել են օրիվատելյան թևերը:
Օրիվատելյան կենցաղը սարսափելի է Վրանգելից:
Բակույն
Ուորեցեր դեղձանիկների գլուխները,
որ կոմունիզմը չպարտվի
դեղձանիկներից:

Նէպին անցնելու շրջանում քաղքենիությունը հանդես է գալիս նոր փետրավորմամբ՝ բյուրոկրատիզմի արտաքինով: Մայակովսկին «Իդվեստիայի» 1922 թ. մարտի 5-ի համարում հրապարակում է «Ժողովամուլներին» հանրահայտ բանաստեղծությունը: «Ժողովամուլներին» բանաստեղծությանը Վլադիմիր Իլյիչ Լենինի տված բարձր գնահատականը բացում է բոլոր պարբերականների դռները Մայակովսկու առջև և սրում նրա ուշադրությունը կյանքի բացասական երևույթների նկատմամբ: Նրա երգիծական բանաստեղծությունների լուրջ վերնագրերի թվարկումն արդեն ընդհանուր պատկերացում է տալիս դրանց թեմատիկ-գաղափարական շրջանակների մասին. «Խառնաշփոթություն», «Բյուրոկրատիա», «Խուլիգանշինա», «Ընդհանուր ձեռնարկ սկսնակ քննողներին համար», «Երկշտոր», «Իդիլիա», «Սյուն», «Պոմպադուր», «Կեղծապաշտը», «Հատուկ կարծիք» և այլն: Բոլոր այդ դործերը ոչ միայն բացասող, այլև հաստատող ուժ ունեն: Սովորաբար երկն սկսելով բացասական փաստի քննադատությամբ, Մայակովսկին այն ավարտում է դրականը հաստատող կրքոտ կոչով: Բանաստեղծն առանձնապես բարոյական բարձր պահանջներ է ներկայացնում երիտասարդությանը, որովհետև անփորձ լինելով, նա ավելի շուտ է ենթարկվում կողմնակի, խորթ ազդեցությունների: «Սիրում եմ» և «Այդ մասին» պոեմները, ինքնակենսագրական բնույթով հանդերձ, բարձրացնում են սիրո, բարոյականության, երիտասարդության նոր կենցաղի հարցերը:

Երգիծական բանաստեղծությունների երկու հիմնական թեմաները՝ բյուրոկրատիզմի և քաղքենիության մերկացումը, ընկած են նաև 1928—1929 թթ. գրված «Փայտոջիլ» և «Բաղնիք» պիեսների հիմքում. «Փայտոջիլ» պիեսի երգիծական կերպարների կերտման միջոցով (Ռոպալիա Պավլովնա, Օլեգ Բոյան, Պրիսիպկին) Մայակովսկին ներկայացնում է քաղքենիության զավթելի դեմքը 1920-ական թվականներին և այն ահավոր տպավորությունը, որ կիողնի նա մարդկանց վրա տասը հնգամյակ հետո: Ապագա հասարակությունը Պրիսիպկինին տեղավորում է գաղանախների վաճառում՝ «Օրիվատելուս վուդարիս» («սովորական քաղքենի») մակագրությամբ և հետևյալ նախազգուշացումներով. «Զգուշացի՛ր, թքում է», «Պահպանեց՛ք ձեր տեղանքները, նա հայհոյում է»: Նրա կողքին տեղավորում են Փայտոջիլին՝ «Կլոպուս նորմալիս» («սովորական փայտոջիլ») մակագրությամբ՝ ցույց տալով երկուսի միջև եղած ընդհանրությունը: Ինչպես բացասական կերպարների կերտման, նույնպես և նրանց ու ապագա հասարակարգի հակադրման միջոցով պիեսը ուսուցանում է, որ հեղափոխության մեջ մարդու վերափոխման պրոցեսն ավարտված չէ, որ հեղափոխությունը խրամատային, տևական պայքար պետք է ծավալի «շերտավոր աղբի»՝ պրիսիպկինության դեմ:

Պրիսիպկինությունը՝ սոցիալիստական հեղափոխության մեծ սկզբունքներին դավաճանելը արտահայտված էր ոչ միայն դասակարգից պոկվելու և

քաղքենիական ճահճում խրվելու ձևով, այլև ձևականորեն դասակարգի շարքերում մնալու և նրանից բյուրոկրատական պատենշով մեկուսանալու, այլապես խրվելու ձևով: Այս պրոբլեմն է Մայակովսկին բարձրացնում «Բաղնիք» պիեսում: Խոշոր բյուրոկրատ Պոբեդոնոսիկովի և մանր բյուրոկրատներ Օպտիմիստենկոյի, Մեղալյանսովայի, Իվան Իվանովիչի, Մոմենտալնիկովի կերպարներին այստեղ հակադրվում են դրական հերոսները՝ Վերոսիպեղիկինը, Չուգակովը, Ֆոսկինը, Դվոյկինը, Պոլյան, Ֆոսֆորային կինը՝ կոմունիստական հասարակարգի առաքյալը: Առաջինները դուրս են շարտվում ժամանակի մեքենայից և չեն տարվում կոմունիստական հասարակարգ:

Մայակովսկու երգիծական ստեղծագործությունները, տոգորված լինելով պայծառ լավատեսությամբ, ցույց են տալիս, թե ինչպես սոցիալիզմի երկիրը քննադատության և ինքնաքննադատության «բաղնիքում» թողնելով հնի կեղտը՝ քաղքենիությունը, բյուրոկրատիզմը, այնտեղից դուրս է գալիս մաքրված, զեղեցկացած, կոմունիզմի վեհ գաղափարներով պայծառացած:

Մայակովսկու հետհոկտեմբերյան ստեղծագործության երկրորդ առանցքային թեման միջազգային իմպերիալիզմի մերկացումն է: Բուրժուական հասարակարգի անմարդկային էությունը նա պաշտ էր դնում մինչև հեղափոխությունը, երբ դեմ առ դեմ բախվել էր քաղքենու՝ հղիացած «Ճաղատի» բիրտ, գոհճիկ ուժին: Սակայն այդ ժամանակ բանաստեղծը դեռևս չէր հիմնականում այն բարձրությունը և դրական իդեալի այն քաղաքական հասակությունը, որ նա ձևաբան էր Մեծ Հոկտեմբերի շնորհիվ: Այդ պատճառով էլ նրա երգիծանքը հայտնի չափով վերացական էր և անհետևողական: Հետագայում ՌՍՖՍՀ-ի պատուհաններում նա մեծ տեղ է հատկացնում կապիտալիստական աշխարհի երգիծական մերկացմանը, իսկ 1923 թ. լույս է ընծայում «Մայակովսկիական գալերեյա» բանաստեղծական պամֆլետների գիրքը, որտեղ գծում է Ստիննեսի, Պուանկարեի, Քերկորնի, Պիսուդսկու, Մուսոլինիի գրոտեսկային կերպարները:

1922—1929 թթ. ինն անգամ լինելով արտասահմանում, ծանոթանալով Ֆրանսիայի, Գերմանիայի, Իսպանիայի, Կուրայի, Մեքսիկայի, ԱՄՆ-ի, Լեհաստանի, Չեխոսլովակիայի կյանքին և համեմատելով դրանք երիտասարդ սովետական երկրի հետ, Մայակովսկին տեսնում է այնտեղ գոյություն ունեցող թե՛ լավը և թե՛ վատը: Լավը միշտ առնչվում է ժողովրդի ստեղծագործական աշխատանքի և տեխնիկայի նվաճումների հետ, վատը՝ մասնավոր սեփականատիրության ստեղծած աղաղակող անհավասարության, աշխատանքի շահագործման, աշխատավորի իրավունքների բռնադատման և առհասարակ անարդարացի սոցիալական կարգերի հետ: «Սովորիկ եվրոպական տեխնիկական, սակայն կազմակերպիր այն քո հեղափոխական կամքով— ահա եվրոպան դիտելուց արած եզրակացությունը»:

Մայակովսկին տեսնում է, թե հեղափոխության շնորհիվ, մարդկային հասարակարգ կառուցելու տեսակետից որքան առաջ է անցել իր հայրենիքը բուրժուական աշխարհից. և կապիտալիստական կարգերի մերկացումը նրա մոտ զուգակցվում է մի կողմից քաղաքացիական հպարտության, մյուս կողմից՝ արհամարհանքի հետ դեպի իմպերիալիստական կենսակերպը («Նորդեմեյ», «Բրուկլինյան կամուրջ», «Փարիզուհին», «Երկնաքերն ըստ կտրվածքի», «Բլեկ

էնդ ուայտ», «Օրիորդը և Վուլվորտը», «Սիֆիլիս», «Կեմպ նիտ Գեդայգե» և այլն)։ Այս հայրենասիրական առողջ զգացմունքը վիթիարի ուժով արտահայտվել է ամբողջ աշխարհին հայտնի «Բանաստեղծություն սովետական պասպորտի մասին» ստեղծագործությունում։

Մայակովսկու արհամարհանքը դեպի բուրժուական կարգերը բխում էր նաև այն համոզմունքից, որ քաղաքական ինքնագիտակցության եկած աշխատավոր և շահագործվող մասսան վաղ թե ուշ կտապալի կապիտալի իշխանությունը և ազատություն ձեռք կբերի։

Մտրին
կհետեն րառերը,
բառերին՝ գործերը,
և տեսար՝
տանիքներից երկնաքերների,
ճոճելով,
սալահատակին են զարկում
դիակները
Վանդերլիպի,
Ռոկֆելլերի
և Ֆորդերի։

Քաղաքացիական կռիվներից հետո Մայակովսկու ստեղծագործության մեջ իշխող է դառնում սովետական մարդկանց հերոսական աշխատանքի և ամենօրյա նվաճումների պատկերումը։ Սկսած «Քաղաքացիական կռիվ վերջին էջը» բանաստեղծությունից մինչև «Լնկեր նետտեին, շոգենավին և մարդուն», «Զուլոդ Իվան Կոպիլեի պատմածը», «Պատմություն Կուզնեցկատրոյի և Կուզնեցկի մարդկանց մասին» հիասքանչ գործերը, Մայակովսկին հետևողականորեն անդրադառնում է սովետական նոր մարդու, ժամանակի դրական հերոսի բնավորության տիպական գծերի պատկերմանը, որոնք դրսևորվում են խաղաղ աշխատանքում և պայքարում։

Պատմականորեն մոտենալով այդ հարցին, Մայակովսկին տրամաբանորեն հանգում է ժամանակի «ամենամարդկային մարդու» և պրոլետարիատի հանճարեղ առաջնորդի՝ Վլադիմիր Իլյիչ Լենինի կերպարի գեղարվեստական մարմնավորմանը։ Դրական հերոսի ստեղծագործական նախորդ բոլոր որոնումները ավարտվում են Լենինի հերոսական կերպարի կերտմամբ։ Լենինի աշխատություններին Մայակովսկին ծանոթացել էր վաղուց։ Հետագայում, մասնավորապես ՌՌՍՖՍՀ-ին աշխատակցելու շրջանում, ուշադիր հետևելով Լենինի ելույթներին, Մայակովսկին նրանցում ստեղծագործական անսպառ նյութ է գտնում։ Այդ ժամանակ էլ նա Լենինի կերպարը վերաբրտադրելու առաջին փորձն է կատարում, 1920 թ. Լենինի ծննդյան 50-ամյակի առթիվ գրելով «Վլադիմիր Իլյիչ» բանաստեղծությունը, որն ավարտվում է պարտիան փառաբանող տեղերով։

Բանաստեղծ չլի լինի ևս,
չերգերի եթե
ՔԿՊ-ի երկիրն անեղր՝
աստղերով հեգաթե։

Լենինյան ցիկլի հաջորդ բանաստեղծությունը գրված է Լենինի հիվանդության առիթով և կոչվում է «Մենք չենք հավատում»։ Հետագայում ևս նա անդրադառնում է այդ թեմային, գրելով «Լենինը մեղ հետ է», «Զրույց ընկեր

լենինի հետ», «լենինյանները» և այլ բանաստեղծություններ: Բայց այդ բոլորը սոսկ պատահիկներն են այն մեծ կտավի, որը պոետն ավարտեց 1924 թ. աշնանը. դա հռչակավոր «Լիադիմիր Իլյիչ Լենին» պոեմն է:

Լենինի կերպարը ստեղծելիս բանաստեղծը առաջնորդվում է երկու պլանով՝ Լենինն իբրև ամենամարդկային մարդ և միաժամանակ իբրև հեղափոխության ղեկավար: Համաժողովրդական սգի ցնցող պատկերն ամեն մեկի մեջ բնական հարց է առաջացնում.

Ի՞նչ է արել նա:
Ո՞րտեղից է,
ո՞վ—
մարդն այդ ամենամարդկային:

Այս հարցի պատասխանը կազմում է Մայակովսկու պոեմի բովանդակությունը, որովհետև դա շարքային քաղաքացի Ուլյանովի կյանքի պատմությունը չէ, այլ հեղափոխության առաջնորդի կյանքի պատմությունը, որը միահյուսվում է բանվոր դասակարգի ազատագրական շարժման պատմության հետ:

Պոեմի առաջին մասում Մայակովսկին պատմում է բուրժուական հասարակարգի կողմից ֆեոդալիզմի տապալման, կապիտալիստական տնտեսական դիմադրության ուղեկիցներին՝ գերարտադրության, ճգնաժամերի, բանվորների զործադրկության մասին, կերտելով սոցիալիստական հեղափոխության մի հղի կապիտալիզմի պերճախոս պատկերը: Այնուհետև նա խոսում է մարքսիզմի, Փարիզի կոմունայի, կոմունիզմի «ուրվականի» մասին, պատկերն ավարտելով Լենինի ծնունդով.

Բոլոր պատճառներով այս
Սիմբիոսկի խորքում
սովորական մանուկը—
Լենինն էր ծնվում:

Պոեմի երկրորդ մասը վերաբրտադրում է հեղափոխական շարժման պատմությունը Լենինի հայրենիքում՝ Ռուսաստանում: Այստեղ պատկերված են ճորտատիրական կարգերը, նարոյնիկական շարժումը, Լենինի եղբայրը՝ Ալեքսանդրը, աշխատավորների վայրույթի ուժը, Լենինի և հեղափոխական մասսաների գաղափարական-քաղաքական կապը, Արյունոտ կիրակին, հոկտեմբերի 17-ի մանիֆեստը, 1905 թ. հեղափոխությունը և նրան հաջորդած ռեակցիան, առաջին համաշխարհային պատերազմը, փետրվարյան հեղափոխությունը, ժամանակավոր կառավարության ռեակցիոն քաղաքականությունը, Լենինի Պետրոգրադ ժամանելը և Հոկտեմբերյան հեղափոխության հաղթանակը: Այս մասում է կերտել պոետը Լենինի, պարտիայի ու ժողովրդի միասնությունը գեղեցիկ պատկերը.

Պարտիան և Լենինը—
երկվորյակ եղբայրներ,
Մայր—պատմության համադր
ո՞րն է արժեքավոր ավելի:
Մենք ասում ենք—Լենին,
և պարտիա ենք
հասկանում էլի,
ասում ենք՝
պարտիա—
հասկանում ենք—Լենին:

Հոկտեմբերի հաղթական երթի, Բրեստի հաշտության, ռազմական կոմունիզմի, Նէպի մասին խոսելուց հետո, Մայակովսկին ընթերցողին կրկին վերադարձնում է Լենինի մահվան ցնցող պատկերին:

Պոեմի սկզբում առաջադրված հարցին Մայակովսկին պատասխանում է՝ Լենինը հեղափոխության հայրը և որդին է: Պոեմն ավարտվում է լենինյան կոշով, այն լավատեսական հավատով, որ Լենինի դրոշը՝ միլիոնների ձեռքով պարզած դրոշը անպարտելի է: Լենինի մասին պոեմը վերածվում է պոեմի միջազգային և ռուսական հեղափոխական շարժման, սոցիալիզմի դրոշի անպարտելիության մասին:

Եթե «Լենին» պոեմի հիմնական թեման հեղափոխության կազմակերպչի ու առաջնորդի կերպարի կերտումն էր՝ մեծ Հոկտեմբերի նախապատրաստման և իրականացման ֆոնի վրա, ապա 1927 թ. ավարտված «Լավ է» պոեմի թեմատիկան հեղափոխական մասսաների գերի լուսարանությունն է հոկտեմբերյան զինված ապստամբության ժամանակ և նրա հաղթանակից հետո Այն, ինչ պոետին լիովին չէր հաջողվել «150 000 000» պոեմում, գեղարվեստորեն հաջողվում է այստեղ: Դա բացատրվում է նրանով, որ Մայակովսկին արդեն անցել էր «Լենին» պոեմի կերտման դպրոցը, զաղափարապես հասունացել և հասել էր մեծ վարպետության: «Լավ է» պոեմից իրոք հնչում է բազմամիլիոն մասսայի հեղափոխական երգը, ցասկոտ խոսքը, դրոհի ոտնաձայնը: Մեծ կտավի գեղարվեստական այս երկը միաժամանակ ներկայացնում է սոցիալիստական ուսյիզմի պոետական ձևերի մշակման վիթխարի մի աշխատանք: Մայակովսկու պոետական վարպետությունն այստեղ բարձր կատարելության է հասնում:

Կոմպոզիցիոն տեսակետից պոեմը բաժանվում է 19 գլուխների, որոնցից յուրաքանչյուրը զաղափարական և գեղադիտական ինքնուրույն ֆունկցիա ունի: ամբողջի մեջ: Առաջին գլուխը բացահայտում է թեման և որոշում այն ուսյիզմի ստորեն պատկերելու տեսանկյունը: II, III և IV գլուխները երգիծական մերկացման մեծ ուժով բացահայտում են Կերենսկու ժամանակավոր կառավարության ներքին և արտաքին քաղաքականության սնանկությունը, որի գեմ աճում է մասսաների դժգոհությունը: V գլխում տրված սովետների և ժամանակավոր կառավարության սուր հակադրությունը անխուսափելի է դարձնում հոկտեմբերյան զինված ապստամբությունը, որը ծավալվում է պոեմի հաջորդ գլխում: Այնուհետև Մայակովսկին բանաստեղծական մեծ վարպետությամբ պատկերում է կոմունիստական շարաթորչակները, սովետական հայրենասիրության վիթխարի ուժը: Բանաստեղծը մերթ հայրենիքը համեմատում է մարտերում ծնված գալևան հետ, մերթ հիշեցնում մեծ հայրենասեր-հեղափոխականների թողած պատգամները, մերթ պատկերում սոցիալիզմի ուժերի հաղթահանողները: Պնահատելով «Լավ է» պոեմը, Լույաչարսկին նշել է, որ «զա Հոկտեմբերյան հեղափոխությունն է՝ ձուլված բրոնզի մեջ»⁸:

Մայակովսկու վերջին մեծ կտավի ստեղծագործությունը «Լեմբոջ ձայնով» պոեմն է, որը հեղինակի մտահղացմամբ պետք է նվիրված լիներ առաջին հնդամյակին: Սակայն անժամանակ մահը թույլ չտվեց այն ավարտելու: Մայակովսկին հասցրեց զրեւ միայն նախերգանքը, որն իրեն ամբողջական երկ ամփոփում է նրա անցած 20 տարվա ստեղծագործական ճանապարհը և

⁸ В. Катанян, Маяковский. Литературная хроника, 3-е изд., М., 1956, т. 2 326:

նույն ղեկն ունի նրա գրական ժառանգության մեջ, ինչ «Հուշարձանը» Պուշկինի մոտ:

Հիմնական գաղափարը, որն արտահայտվում է այստեղ, այն է, որ Մայակովսկու պոեզիան մի ամբողջ զորարանակի ուժ ունի, օգնում է կոմունիզմ կառուցողներին, սովորեցնում է ապագա սերունդներին ապրել և պայքարել: Իր պոեզիային տրված այս ճշմարիտ գնահատականն ամփոփում է նրա տարիների խոհերն ու մտորումները գրականության և արվեստի ղեկի ու նշանակության մասին:

Դեռ 1918 թ. Մայակովսկին գրել էր «Հրաման արվեստների բանակին», «Պոետ-բանվոր» բանաստեղծությունները, որոնցում պոետական աշխատանքի նշանակությունը հավասարեցրել էր նյութական արժեքների ստեղծմանը: Քաղաքացիական կռիվներից հետո գրված «Հրաման № 2 արվեստների բանակին» ոտանավորում նա կոչ էր անում զրչակիցներին տալ այնպիսի արվեստ, որը ռեսպուբլիկան մաքրի կեդոտից:

Հետագա հոգվածներում և բանաստեղծություններում ևս («Ինչպես ոտանավոր պատրաստել», «Իսկ ինչ եք դուք գրում», «Արտասովոր դեպք...», «Մեր-դեյ եսենինին», «Ուղերձ պրոլետարական պոետներին», «Առաջնորդողի առաջնորդը», «Զրույց Ֆինտեսչի հետ պոեզիայի մասին» և այլն) Մայակովսկին կրկին ու կրկին անդրադառնում է իրեն հուզող հարցին: Բոլոր այս ելույթներում նա ընդգծում է, որ պոետական ստեղծագործությունը լարված, ծանր տրեմություն է, բարդ, պատասխանատու աշխատանք: Իսկական պոեզիան ղրժվարին է, այն նման է ռադիոմի ձեռք բերմանը, որի մի գրամի համար պահանջվում է հազարավոր տոննա հանրաքարի վերամշակում: Պոետը ևս հազարավոր բառեր մի կողմ է թողնում՝ մարդկային հոգու խորքերից պեղելու և դռնելու համար այն միակ բառը, որը կարող է միլիոնների սիրտը հուզել և նրանց շարժման մեջ դնել: Ահա թե լնչու է նա պոետին համարում ժողովրդի առաջնորդը և միաժամանակ նրա ծառան:

Միշտ հանդես գալով գրականության և կյանքի սերտ կապի, գրականության պարտիականության և ժողովրդայնության դիրքերից, Մայակովսկին գործուն, հեղափոխական պոեզիայի կողմնակից էր: Նա այնպիսի արվեստ և գրականություն էր պահանջում, որը հավասարազոր է սվինի, որը մարտական զենք է դասակարգի ձեռքին. յուրայինների համար՝ փաղաքշանք և լողունգ, իսկ թշնամու համար՝ սվին և մտրակ: Պոեզիայի այս լեզվով է Մայակովսկին խոսում այսօր նոր սերնդի հետ, ինչպես ապրողն ապրողի հետ:

ПЕВЕЦ ВЕЛИКИХ ИДЕЙ

(К 70-летию со дня рождения В. В. Маяковского)

П. Т. СААКЯН

(Р е з ю м е)

Владимир Владимирович Маяковский — величайший поэт третьего, пролетарского периода освободительного движения в России, крупнейший представитель поэзии социалистического реализма, целиком и полностью отдавший свой громозвучный голос «атакующему классу».

Получив политическую закалку в большевистском подполье, он еще в дореволюционный период освоил правильное отношение к действительности и отличался «пафосом социалиста», желающего «делать социалистическое искусство». Эта твердая идейная основа дает Маяковскому возможность преодолеть влияние господствовавших упадочнических литературных течений и выйти в лучших стихотворениях, «Гимнах», поэмах на широкую дорогу самобытного реалистического творчества. Гуманист Маяковский становится глашатаем мятежных стремлений «безъязыкой улицы», ее страстного протеста против буржуазного общества, крушение которого поэт предсказывает в поэме «Облако в штанах».

После Октябрьской революции творчество Маяковского отражает размах борьбы за ликвидацию всего старого, пафос битвы за новое и радость свободного человека («Наш марш», «Ода революции», «Левый марш», «Мистерия Буфф», «150 000 000»). Особо следует отметить его неутомимую, поистине новаторскую творческую работу в «Окнах РОСТА», имевшую огромное значение для идейно-художественного роста поэта и для действенной революционной пропаганды нашей партии. В восставительный и реконструктивный период страны творчество Маяковского движется в основном по трем тематическим линиям: обличение международного империализма (заграничный цикл стихотворений), сатирическое бичевание пороков и недостатков в нашей жизни (сатирические стихи, «Клоп», «Баня»), воспевание завоеваний революции и ее великого вождя Ленина, движения к коммунизму (многочисленные стихотворения, поэмы «Владимир Ильич Ленин», «Хорошо!»).

Мировая слава Маяковского есть по существу признание всемирного значения Великой Октябрьской социалистической революции.